

Naqqiut

Siunnersuut 23. august 2018-imeersoq taarsilerpaa

Peqqut

Siunnersuutini kalaallisoortani – qallunaatoortaanilu assigiinngissutitaqartoq malugineqarpoq.

Siunnersuutit assilisartai marluullutik assigiinnik oqaasertaqassammata aaqqissuunneqarput.

Siunnersuut: Eqqusuinermi akitsuutit pillugit Inatsisartut inatsisaata allangortinneqarneranik Inatsisartut inatsisaat (UKA2017/198)

Siunnersuut: Qamutit motorillit akileraarutaat pillugit Inatsisartut inatsisaata allangortinneqarneranik Inatsisartut inatsisaat (UKA2017/197)

Saqqummiussissut

(Aningaasaqarnermut Naalackersuisoq)

Siunnersuummik siullermeerinnineq

Naalackersuisut sinnerlugit eqqusuinermi akitsuutit pillugit Inatsisartut inatsisaata allangortinneqarnera pillugu Inatsisartut inatsisaanut siunnersuut, taavalu qamutit motorillit pillugit Inatsisartut inatsisaata allangortinneqarnera pillugu Inatsisartut inatsisaanut siunnersuut saqqummiutissavakka. Inatsisissatut siunnersuutit ataqatigiimmata, Inatsisartunut ingiaqatigiillutik saqqummiunneqassapput.

Biilnik innaallagiamoortunut, brintbiilnut plug-in hybridbiilnullu piffissaagallartumi akitsuuteqannginnerat, 1. januar 2019 atorunnaassaaq. Piffissamik akitsuusersuiffiunngitsumik eqqussisoqarnissaanut aalajangiinermi tunngaviuvoq, biilit Kalaallit Nunaanni siaruariartuaarnerannut atatillugu akitsuut nalinginnaasuungorsarneqariartuaassasoq.

Matumani inatsisissatut siunnersuutip, qamutit taakku Kalaallit Nunaanni siaruariartorneranut atatillugu, biilnik innaallagiamoortunut, brintbiilnut plug-in hybridbiilnullu akitsuutit pisarnertut iliartornissaanut siunertaraa, siunissamilu qamutinut akitsuuteqarnermut aaqqissuussamut allangortiterinikkut, akitsuut aqqutigalugu avatangiisimut annertunerusumik qajassuussinissaq anguniarlugu.

Inatsisissamut siunnersuutini qaqinneqartut, qamutinik motorilinnik eqqussinermi akitsuut qamutinullu motorilinnut akitsuut plug-in hybridbiilnut 1. januar 2019, qamutit nalinginnaasut akiligassap qaffasissusii malillugit, atulersinneqarnissaanut ilanngunneqarput. Taassumunnga, qamutit taakku, innaallagiaq ingerlatitut atuinnaarunagu, aamma ingerlatit allat, tamatumuuna ikummatissat uuliameersut aamarsuarneersullu, atormagit tunuliaqutaavoq. Piumasaqaat suugaluarpalluunniit, qamutip ingerlat sorleq atorneraa nakkutigineqarnissaanut ajornakusoorpoq. Qamutip motorii innaallagiatortoq atorneraa qularnarmat, avatangiisumut sunniutaa aamma qularnarpoq.

Massakktut biiliniq innaallagiamoortunut brintbiilinnullu akitsuuteqannginneq atuuppoq, taamaanneranilu qamutit naliginnaasut akiligassap qaffasissusii oqimaassusissaallu malillugit, qamutitut motorilinnut ukiumoortumik akitsuutit atuupput.

Biiliniq innaallagiamoortunik brintbiilinnillu eqquusuinermit akitsuummi pisussaataaanginneq, Kalaallit Nunaanni siaruariartornerannut kajumissaarissaq, taamaanneranilu qamutitut motorilinnut akitsuut atulertussa, qamutit sinnerinut aqqusinermit tunnut aqqusinermilu nungullarsaasunut, aqqusernit il.il. aserfallatsaaliornissaanut tapersiissaaq.

Inuit angallataannik eqquusuinermit akitsuummik allannguissamik saqqummiussisoqarpoq. Tassani, atuisunik qamutiniq minnermik (biiliniq mikisunik) qamutinillu avatangiisimut ajoqusiinngitsunik kajumissarinissaq, qamutitut pisiat allagartaani 75.000 kr. ataallugu nalilinnut akitsuut annikillissillugu, qamutinullu nalitunerusunut akitsuut qaffallugu, siunertaavoq. Tamatuminnga naatsorsuutigineqarpoq, inuit akissarsiakinnerusut biiliniq minnerusunik pisisinnaanissaannut periarfissaq siuarsarneqassasoq.

Siunnersuullu atorunnaarnerani snescooterinut qamutinullu minnernut nunakkoortunut (ATV, UVT imaluunniit sisamanik assakaasullit) eqquusuinermit akitsuut atorunnaassaaq. Tamanna aalisarnermit piniarnermilu inuussutissarsiortunut immikkut iluaqutaassasoq naatsorsuutigineqarpoq.

Ullumikkullu illoqarfinni, ingammi illoqarfinni annerni, qamutit motorillit qimanneqartarnerat ajornarsiuterujussuuvoq. Qamutit taakku mingutsitsisut nungusarniarlugit, avatangiisimullu illersoruminartumik isaterneqarnissaat isumannaarniarlugu, Naalakkarsuisut isaterinermit ukiumoortumik akitsuummik, ukiumoortunut akitsuutinut sinneranut ilanngullu akilerneqartartussamik siunnersuupput.

Isaterinermit akitsuutip nutaap, avatangiisimut illersoruminartumik isaterinermit akissajaatit siullermik landskarsimiit akilerneqartarnissaat isumannaarniarpaa, kingusinnerusukkullu kommunimi isateriffiusumi akiligassaq utertinneqarluni. Qamutimik atuisoq taamaammat qamutini kisimi kommunimut tunniunneqarnissaa isumagissavaa annertunerusumillu akiliinani tunniussinermini, kisiannili isaterinermit akissarsilluni. Isaterinermit akitsuut aamma isaterinermit akissarsiat pillugit aalajangersakkat aatsaat kingusinnerusukkut nalunaarummik saqqummiussinikkut atuutilissapput. Isaterinermit akitsuut aamma isaterinermit akissarsiat pillugit malittarisassat atuutilernissaat avatangiisinut aningaasaateqarfik pillugu malittarisassanik atuutilersitsisinnaanermut ataqatigiissaarneqassapput.

Naggasiullugu inatsisissamut siunnersuut tassungalu oqaaseqaatit unnersuutigissavakka.

Oqaaseqaatinik taakkuninnga Naalakkarsuisut sinnerlugit siunnersuutit Inatsisartunut kajumittumik oqallinnissaanut tunniuppakka.